

07 MAR 2001

Wakil-Tiba

WAKIL KHAS ARROYO TIBA UNTUK LAWATAN TIGA HARI

SEPANG, 7 Mac (Bernama) -- Wakil Khas Presiden Filipina, Roberto R.Romulo dan Paul G.Dominguez, tiba di sini hari ini untuk memulakan lawatan tiga hari ke Malaysia.

Mereka disambut di Lapangan Terbang Antarabangsa KL di sini oleh Timbalan Menteri Luar Datuk Dr Leo Michael Toyad.

Kedua-dua mereka bagaimanapun enggan bercakap dengan pemberita yang menunggu untuk menemui mereka.

Lawatan itu bertujuan memaklumkan kepada pemimpin Malaysia mengenai dasar pentadbiran baru di Manila. Gloria Macapagal-Arroyo menjadi presiden baru Filipina pada Januari lalu.

Esok, kedua-dua wakil khas itu dijadual menemui Perdana Menteri Datuk Seri Dr Mahathir Mohamad, Menteri Kewangan Tun Daim Zainuddin dan Menteri Pertanian Datuk Effendi Norwawi.

Mereka juga dijadual mengunjungi Timbalan Perdana Menteri Datuk Seri Abdullah Ahmad Badawi dan Menteri Luar Datuk Seri Syed Hamid Albar pada hari Jumaat.

Romulo dan Dominguez juga dijadual menghadiri jamuan malam Majlis Perniagaan Malaysia-Filipina yang dianjurkan oleh Toyad.

Mereka juga akan menemui rakyat Filipina di Malaysia.

-- BERNAMA

RV AR MAM AKD